

CLARISSIMUM AETERNAE FAMAE
GLORIAEQUE TROPHOEUM.

SIVE

DE LAUDIBUS

CLEMENTIS XII.

PONTIFICIS OPT. MAX.

ORATIO

HABITA NEAPOLI

In Augusto Sanctae Clarae Templo
VII. Kalendas Apriles.

IN FUNERE EJUSDEM PONTIFICIS

A BERNARDO CANGIANO

SACR. THEOL. DOCTORE, ET MAGISTRO,

ET S. METROPOLIT. ECCLESIAE

NEAPOL. CANONICO.



NEAPOLI

Ex Typographia Januarii, & Vincentii Mutio.
M. DCC. XXXX.

SUPERIORUM PERMISSU.

(III)
EMINENTISS. , ET REVERENDISS.

PRINCIPI
N E R E O
CARDINALI CORSINO.

BERNARDUS CANGIANUS.



ON *satis consultum*
videri posset aeter-
nae Famae CLE-
MENTIS XII. OPTIMI Patru*i*
tui , CARDINALIS AMPLIS-
A 2 SI

SIME, si qui ejus memoriae honores habiti sunt, ii in celebrando tantum funere, curandoque sepulcro versarentur. Haec enim quum fluxa admodum sint, & cito peritura, neque diu manent, neque in longum ad Posteritatis memoriam pertinent: At si quae *CLEMENS* praeclare in vita gessit, superstiti aetati commendentur, is certe bonos habendus unice firmus, atque immortalis. Quod quum ipse omnino perspicerem, ne tam *OPTIMI PONTIFICIS* laudes, quas in Augusto S. Clarae Templo recitavi, offusae fugacium annorum tenebris in oblivionem venirent, constitui, ut publicam lucem viderent, teque potissimum *Auspice*,
 atque

atque Patrono ederentur : Quando-
 quidem haec uni Tibi maximo
 jure debebantur , qui non modo
CLEMENTEM proximo gradu
 contingis , sed mira etiam tibi fuit
 cum ejus virtutibus affinitas , at-
 que conjunctio ; qui certe quam
 sapiens ubique audis , quam bene-
 ficus , quam excelsus , quam deni-
 que de omnibus , Roma praesertim
 meritissimus ! Haec namque tibi
 via , uti monebat olim Socrates
 apud Tullium , cum Patruo tuo
 ad gloriam proxima , ac veluti
 compendiaria fuit , ita semper age-
 re , ut quales haberi voluistis ,
 tales essetis . Illud ipse tantummo-
 do nunc vereor , ne nimium lan-
 guide , ne dicam jejune de **SAP-
 PIEN-**

PIENTISSIMO CLEMENTE

*dixerim, quem inter paucos Roma tulit majestate sua dignum, quique dum inter homines esset, honestatem undique perfectam, & absolutam cum imperandi arte penitus novit, & copulavit; ab eo ut unum id abesse putem, quo veteres Heroas provocet, longa nimirum annorum serie tumulari, dein Clarissimos nancisci Viros, qui eum serae Posteritati commendent; primum dies efficiet, alterum qui studiose praestet, dum hominum genus erit, fortasse non deerit. Siquidem erunt posthac Summi Viri, qui pictores aemulati, quae a me propere, crasseque adumbrata sunt, feliciter curatiusque ex-
liant,*

liant, & absolvant. Oro igitur te,
atque obsecro, PRINCEPS EMI-
NENTISSIME, ut non tam,
quae a me Amplissimo Nomini tuo
in tenuissimi muneris speciem offe-
runtur, quam rei gratiam, obse-
quium, memorem gratumque ani-
mm accipias. Me vero in tam
aequam, & honestam officiorum
partem vocatum ea, qua soles, be-
nignitate complectere; simul &
tuere precor contra eorum impe-
tum, qui etsi scribendi omnino in-
scii, in culpandis tamen aliorum
scriptis praefidentes nimis, atque
inurbani videri solent. Caeterum
id a te demum peto, CARDINA-
LIS AMPLISSIME, vel potius
precibus omnibus oro, & obtestor,
ut

*ut in tuis maximis curis aliquid
impertias temporis huic etiam co-
gitationi, ut me in tuis demississi-
mis famulis, infimum quidem vi-
ribus, sed non animo esse subinde
memineris. Interim in genna pro-
volutus, omni quo par est, obse-
quio, Sacram Purpuram exosculor,
Deo supplicans, ut te communi Ec-
clesiae bono diu servet incolumem.*



LMUM diem hunc, nimiumque felicem dixerim, si ubi PONTIFICIS OPT. MAX. laudes audituri confertim huc convenistis, Vobis non una mecum in tanti Herois jactura, communique Ecclesiae vice dolendum esset; nec honorario isthoc excitato tumulto, magnificum inter, feralemque hunc ornatum, luctiferas faces, lacrymas inter, & suspiria, exacerbatis prae dolore animis, CLEMENTIS XII. , heu, jam erepti, ejusque rerum praestantissimarum commemoratione omnium aures circumsonarent. Sed quoniam Arbitro vitae, mortisque Deo sic visum, qui omnia consultissime moderatur, & unius CLEMENTIS nomen immortalem sibi gloriam, immortale decus paravit; confido fore, ut eximiae ejus virtutes non luctui modo, dolorique omnium, quotquot hic adestis, lenimento esse queant; sed unusquisque etiam Vestrum earum acquirendarum spe, potien-

darumque voluptate incendatur . Profecto eo allato nuntio , quo nil funestius umquam accidit , aut calamitosius , summus repente moeror Universos invasit , nec tam unanimi nisu , tam ardenti omnium studio aliorum funus ullum , quam CLEMENTIS celebratum umquam fuit ; quod quidem Spectatissimis hisce , Deoque Sacris Virginibus potissimum debetur , quae , quanto apparatu licuit , eoque ferme amplissimo , uti cernitis , tanto Pontifici iusta persolvi curarunt . Equidem sat scio , gravissimum me subire onus , & ejusmodi , quod sustinere vix possim ; quandoquidem dicendum mihi est de Viro , cujus eximia fuit pietas in Deum , probitas erga seipsum , Caritas , atque animi magnitudo erga alios ; dicendum de Principe , cujus egregiae rarissimaeque dotes ingenitam animi celsitudinem spirant , & ostendunt ; postremo dicendum de Pontifice , cujus Dignitas inter homines supra humanum fastigium evehitur , & praeclara item facinora disertissimos quosque defatigare possent . Utinam , ne tot tantarumque rerum laudes minuerentur , aliis plerisque id munus injunctum , quorum oratio expressior esset , & illustrior , quique facilitate styli , beataque illa copia praediti allicerent vestras aures , ac demulcerent ; nec mihi , qui tenuitatem meam neque dissimulo , quin libentissime prae me fero , honor hic eximius , & prope singularis delatus esset : Adeone mihi sapere videar , ut quamplurimis in dicendo concedere recusem ? verumtamen an continere me , ac silere debuissim ? an quidquam est , quod tanti Pontificis causa non debeam ? cuique numquam omnino rependam , quantum maxi-

ma ejus in me, non dico beneficia, sed merita postulant; ut omnino religioni duxissem, si occasionem hanc elabi passus, laborem hunc detrectassem. Et quamquam cogitem, me apud Vos dicere, Viros nempe praestantissimos; quorum certe non tam frequentiam vereor, quam judicia pertimesco, quae de ingeniorum foetibus gravissima exercetis; Hoc namque anteaetis temporibus fortunate nostra praestat aetas, qua profligatis tenebris, clarissimaque illata luce non modo de Scriptoribus rectius judicatur, sed rerum natura, scientiarumque vis, & infirmitas curatissime pensitantur: Illud tamen mihi dicturo animos mirifice addidit, quod frequentia hac, & benignitate vestra factum, ut singulare hoc in me & amoris, & judicii testimonium agnoscerem. Interea jam vos tacite a me expectare intelligo, ut rem ipsam aggrediar; quo certe nihil mihi potest esse jucundius; siquidem mihi gerendus mos est vobis, qui nemini umquam magis, quam mihi, & antehac primum, & nunc denuo tam benigne, tam attente adesse videmini. Et quidem haeret animus, quo cursum dirigam, unde potissimum exordiar; Quidnam primum, Auditores, quid postremum, quid maximum ex ejus laudibus commemorem? quid sine gravissimo piaculo praetermittam? Exordiar ne ab Inclyta Urbe, in qua e sinu Matris auspicato in hanc lucem editus est? Florentia, inquam, quae Urbs est Italiae nobilissima, & antiquissima, locuples divitiis, optimis legibus constituta, in qua situ, magnitudine, aedificiis, picturis, & signis, si Neapolim, Reginamque Urbium Romam excipias, natura cum arte ita certavit,

tavit, ut una inter omnes pulcritudine sua oculos magis, quam aures admiratione perfundat. His accedit aeris coelique temperies, & quod caput est, Ingeniorum, Disciplinarumque omnium cultus, ut omnino deesse putem, quod in omni Litterarum genere Florentia non tulit: Felicissimam sane Urbem, quae etsi plurimis, optimisque Ecclesiae Pastoribus merito exultas laetabunda, cum novis, tum veteribus; parem certe ortu CLEMENTIS, ac caeterorum gloriam splendoremque affecuta es: Nam qui nuperrime Clarissimae Genti tuae additus est, cum Etruscis Pontificibus, Medicis imprimis, CLEMENTEM nostrum committere non dubitem. Initium ne faciam ab ejus Majoribus, quorum sanguinis nobilitas principes Italiae Familias vetusta, proximaque cognatione contingit? Rinuccinam, Altovitam, Guadagniam, Strozziam, Aquavivam, alias. Corsina namque Gens Amplissima semper habita est, & vetustissima, Clarissimorum Virorum semper propago; quorum grandia, & praeclara facinora quid enarrem? quum Florentiae multis ab hinc seculis monumenta avi splendoris adhuc exsint. An quemquam esse putem, quem lateant Americus, & Octavius Archiepiscopi Florentinus, & Tharsensis? Eminentissimi S. R. E. Cardinales Petrus, & Nereus omni doctrina, & virtute ornatissimi? digni profecto, qui nullo non praeconio celebrentur. Fratris praeterea, sororisque Filii, Purpuratorum Par Nobilissimum, Corsinus, & Guadagnus, quorum praecipua laus est, quod maximam apud omnes sapientiae, & praestantis animi opinionem consecuti sint;

eorumque nomen propter egregia facta , singularemque iustitiam excipiet , & tuebitur immortalitas. An quisquam est , qui non intelligat , quanti sit apud omnes , quo sit loco , qua gratia , qua auctoritate valeat apud SERENISSIMUM REGEM nostrum CAROLUM Nominatissimus , & Excellentissimus. Princeps Corsinus , Fratris item Filius , qui omnes Reipublicae partes optime tenens , apud Siculos INVICTISSIMI REGIS nostri maxima cum laude vices gerit , ea fide , atque prudentia , ut in illius Regni administratione tantum illi omnes tribuant , quantum antea fortasse nemini . Praetereo caeteros Consanguineos , & Affines non modo stemmate , & praecipuis Dignitatum honoribus Insignes ; sed etiam morum suavitate Conspicuos : Fulgentissimae tamen Sanctitatis Virum non praetermittam , S.ANDREAM CORSINUM , Episcopum Faesulanum , omnium seculorum memoria dignissimum , qui sui Generis antiquitatem maxime prodit ; qui certe quatuor ab hinc seculis Corsinae Familiae gloria fuit , Patriaeque rarissimum ornamentum . Tu vero , CLEMENS OPTIME , etsi Atavorum semper fueris splendorem , virtutemque aemulatus ; tamen isthaec si cum iis , quae tuae omnino sunt , & propria copulentur , adeo singularem Gentis tuae Claritatem supergressus es , ut ad maiora quaeque , atque ad Imperium natus ipse , factusque videaris , & Sacerdotia , Dignitates , Feuda , Imagines , Titulos , Elogia magnifica , uno Pontificatus fastigio sis complexus . Atenim quoniam vera laus in una virtute posita est , haec haec tenus delibasse sufficiat , quae quidem HEROS nos-

fler

fter contempsit semper, numquam extulit; proindeque satius fuerit ea persequi, quantum licet, quae officia humanitatis injungunt. Jamtum enim primordia ejus pueritiae, & progressus, qualis esset futurus, innuerunt; & quam in eo bene morata puerilis aetas, tam sapiens, ac pius adolevit. Verumenimvero quis ejus virtutes, spiritum, vivacitatemque naturae, moresque suavissimos enarret, atque describat? In ejus vultu ingenua quaedam hilaritas habitat, sermones pietatis syncerissimae sunt indices: & quamquam annis & usu augetur prudentia, crescit etiam ac veluti grandescit animus, iu tenella adhuc aetate maturi verendique Senis laudes meretur. Deum immortalem! quam non spem de se concitavit adhuc adolescens? quod in eo pietatis genus, quae verborum honestas, quam religiosa prorsus indoles? Non eum umquam otium, non aequalium nugae, non blanditiae delectarunt. Adultus vero sedula Parentum diligentia institutus quo acumine fuit, quam liberalis, quam festivus! quantae industriae in excolendis literis, quanti laboris, quam subacti judicii! cujus specimina dedit Florentiae adhuc degens, quum in Academias plerasque illustriores cooptatus est, puta Florentinam, Apathistarum, imprimis eam cui vulgo factum a furfure nomen, sublime illud Etruscae Linguae Tribunal. Ubi vero Romam se contulit, quae certe una maxime omnium tanti Viri excelso animo par Theatrum esse poterat, quidquid aggreditur, exitum felicem habere solet ita, ut post varios Dignitatum honores diu Pontificio AErario praefectus est; quo munere post

ade-

adeptam etiam Purpuram nonnisi longo post tempore se abdicavit; adeo rem feliciter semper gessit, adeo Justitiae partes explevit. Deinde quum nulla sit laus boni Viri, cujus in rebus omnibus Caritas non eluceat, praeclaris conatibus, ausisque numquam excidit: Quemadmodum enim in irriguo horto, feracive pomario ii tantum flores, aut fructus, olfactu nempe & aspectu flagrantiores, aut suaviores ad decerpendum nos alliciunt; sic quamquam usu, ac specie commendabiles sint virtutes omnes, Mansuetudo, Continentia, animi Demissio, aliaeque hujusmodi, tamen inter cunctas venustate sua tamquam Regina una nitet Caritas: Sic porro CLEMENS natura ad largiendum pronus, neque ex eorum numero, qui una utilitatis simbella amorem, odium, fidem, caeterosque animi motus metiri solent, despiciatissimos eos omnes ratus, qui nemini umquam adjumento esse solent. Quamobrem ut caeteram aedium suarum Amplitudinem taceam, etiam tum quum Praesulatum gereret, bibliothecam instructissimam comparavit; mox vero quo reconditissimae antiquariae Supellectilis studio tenebatur, in Vaticanum Senatum adlectus, rarissimos codices, librosque non in aedis suae ornamentum, & cultum parietum, sed literarum, erudiendaeque juventutis cupidine conquirit. Et quoniam ut imperito Viro nihil durius, ita literis mollescent hominum pectora, eamobrem semper idem erga omnes, majores, aequales, inferiores diligit. Quid namque ejus familiaritate dulcius? moribus quam affabilis, verbis quam comis, ut non satis urbanus, aut eruditus is haberetur,

(XVI)

retur, cui Corfinae Aedes essent incognitae. In iis quippe interdiu, noctuque conventus habebatur doctissimorum Virorum; Conveniebant autem praeter eos nobiles, ingenuique Juvenes complures: Delicissimi iccirco semper viri omnes, qui ei fuerunt a consiliis, a secretis, a gravioribus studiis; atque hoc pacto quemadmodum plerisque vicit splendore virae, sic probatiores, atque honestiores morum suavitatem superavit: & quamquam homines diu non consent, summa tamen universae ejus vitae, singularumque actionum fuit aequalitas; eximia moderatio, quam in maxima praesertim Dignitate servavit, cujus in incredibili semper ridentis fortunae cursu nullum unquam verbum, aut durius, aut asperius auditum est. Adhaec quoniam altera virtus alteram sustinet, amiceque conjurant, mira in eo aequanimitas, quum devexa jam aetate, podagra laboraret, sive ea consisteret, sive incretceret, ne dum in pedibus, sed manibus etiam, genibus, & universis artubus adeo afflictabatur, ut singulis momentis, centenis mortibus enecaretur: Ipse tamen cruciatus omnes, caecitatem imprimis, gratias identidem Deo agens pro hebetata sibi oculorum acie, semper aequo, patientique animo passus est. Scilicet is nobiliorum rerum luce perfusus fortiter oculorum orbitatem sustinuit, morbi ingravescantis molestias tulit; demum & perquam pie se ad vitae exitum comparavit. Adeo exploratum est, Auditores, quam maxime intersit, ut juvenus mature instituatur, Claro praesertim nati Genere: Literae enim iis supra caeteros jucunditatem afferunt, ornatum adjungunt, gloriam, splendoremque

remque augent . Omnibus enim in aetatis flo-
 cita adhibenda est medicina , Nobilibus praesertim ;
 quum Virtus vera sit nobilitas , tum quod Nobiles
 caeteris sint exemplo , & saepissime ad Rempubli-
 cam admittuntur , gravissimo si inertes , malive
 sint , humani Generis detrimento . Haec certe sunt ,
 quibus CLEMENS ad Cardinalatus apicem evasit :
 Ipsi siquidem per virtutes semper ad Honores tu-
 tum fuit iter , aditumque etiam sibi patefecit ad
 Summam Dignitatem ; atque adeo habetis jam ,
 quod Christianae virtutis Cultores imitemini ; Dein-
 cept , ut erat propositum , abunde etiam suppe-
 tunt , quae maximis Principibus exemplo esse pos-
 sint . Et quidem magna eum praecefferat fama ,
 major inventus est ; Debebat is majora aggredi ,
 nec in parvis consistere , non secus ac si magnum
 lumen parvam domum illustret : Verumtamen vide-
 te , quae so , moderationem CLEMENTIS ; etsi Au-
 gusti eum Patres non inconsultis calculis , nec nisi
 caelesti afflatu Numinis Pontificem salutare con-
 stituant , repugnans tandem ipse Christianis Sacris
 praeficitur ; scilicet ne Divinae Ordinationi resi-
 steret , cessit tandem , non abnuvit , non Principa-
 tus pondere fractus est , qui quidem quanto prae-
 stantior , quod curandis etiam animis praesit , tan-
 to difficilior est , atque laboriosior , O excelsi ani-
 mi fortitudinem ! Enimvero Clemens simul atque
 Imperium nactus est , quid habuit non eximium ,
 non rarum , quid non cum Optimis quibusque
 Principibus conferendum ? Verba in eo nonnisi
 culta , gravia , pronuntiatio elegans , & venusta ,
 sententiis magni ponderis uti solitus , felix firma-
 que

que memoria, & quod mirum, alter veluti Grattianus Augustus, ut est apud Aufonium, *Nemo magis quam ipse, aut dicenda prudentius cogitavit, aut consultius cogitata disposuit, aut disposita maturius expedit*. Atenimvero, Auditores, animus in CLEMENTE quam erectus, quam excelsus; qui quidem munificentia, & liberalitate maxime cernitur; quarum monumenta accipite jam, quae ubique memorantur: Ravennam adversus exundantes amnes, immite Caelum, morbidum aerem custodivit; In reliqua vero Ditione Pontificia quot vias publicas stravit? quot aquaeductus, aut pontes instauravit? quot annuos census constituit? quot publicas aedes, Tempia, Romae praesertim, Xenodochia, Valetudinaria, Paedotrophia, Monasteria paravit, refecit, ornavit? Testes tantum appello Ariminenses Cives, apud quos multis aureorum millibus Urbanam Arcem vetustate fatiscentem munivit, ut liberalitatis eximiae ejus memor Populus Senatusque Ariminensis, ne quid gloriae tam OPTIMI PONTIFICIS deesset, marmoream ei statuam in Foro decreverunt. Testem appello Anconam Urbem totius Piceni celeberrimam: Haec enim portum quum habuerit facilem admodum, & sinuosum; quod insigne fuerat opus Trajani Caesaris, tamen longo jam aevo obstructum atque praeclusum Heros noster magnis sumptibus effodit, & aperuit, ut onerariis navibus non Ditionis modo Pontificiae, sed universae etiam Italiae commodo tutius, liberiusque patefceret. Postremo loco Vos appello, Quirites, quibus ejus memoria jucundissima semper erit, qui velut alter

aevi

aevi nostri Sixtus Urbem illustri ornatu , omni-
aedificiorum genere cumulavit ; ne quid etiam
de Sumtuum immensitate dicam , quibus labentem
Constantini Arcum reparavit , Templique Constan-
tiniani Frontem excitavit , quae tam magnificae
Basilicae responderet . Capitolum vero , quod jam
olim nobiles Statuae plures , & vetera marmora
exornabant , magno numero novis ejusmodi , rarissi-
que undique conquisitis , splendore Urbis plurimum
aucto , Advenarum admiratione locupletavit . Quo
factum est , ut Roma merito nunc sui ipsius aemula
ut cum maxime celebretur , quam jam tum
Regum Urbem Cineas appellavit , alii *Orbis Caput* ,
Terrarum , *Gentiumque Deam* , alii *Urbium Principem* ,
Rerum Dominam , *Reginamque Pulcherrimam* nomi-
narunt . Sed quoniam Principis proprium hoc esse
statuo , aestimare , ac perpendere , quae Populorum
salutem libertatemque respiciunt ; Quod nulli vis
infertur , nihil cuiquam eripitur , quid causae est ?
Justitiae in eo studium ; quod attritae expensis fa-
miliae reparentur , quid causae est ? Caritatis stu-
dium ; quod de ignotis etiam & non petentibus
benemeretur , quid causae est ? Beneficentiae stu-
dium ; quod nec ab ullis sumtibus ardua quaeque
incoepta absterrent umquam aut retardant , quid
causae est ? Munificentiae studium . Absolutissimum
certe Principem , qui primus legibus pares , qui
subditos ita regis , ut non te , sed tui causa me-
tuant ; semper prono erga Nobiles favore , effusa
erga pauperes indulgentia , & quae peculiaris ma-
gnorum Principum laus est , Cives etsi dignitate
disparēs , aequales reddis ; Tu Senjium Domitor ,

tu bonorum Perfugium, tu Legum Custos, tu Artium Parens, Tu Virorum Aestimatores, quique demum nihil meditaris mortale, sed omnia immortalia; Tua potentia, largitionibus, auctoritate literarum, bonaeque artes, quae pene jacuerant, spiritum sanguinemque resumunt. Quam probati Familiares tui, quam spectati, quibus nihil sanctius, nihil religiosius Roma vidit umquam. In tua Aula non impetus, non affectus, non commendatio dominatur, nihil inconsiderate fit, nihil praepostere, nec nisi uni rationi, & consilio locus relinquitur, & auctoritas; non extolluntur immeriti, non ditantur inertes, docti, cordatique Viri honestantur; nihil aggredieris sine discrimine; In consiliis capiendis tibi prudentissimos Viros adsciscis; & qui ubique locorum, ac temporum esse nequis, oculos complures, manus, & pedes tibi comparasti, nempe Optimos Consiliarios, & Magistratus. Quae quum ita se habeant, PRINCEPS SAPIENTISSIME, numerus quispiam, cui ipse in exemplum fortitudinis, munificentiae, justitiae, Religionis natus esse non videaris? ubi omnia tibi propria isthaec, & peculiarissima fuisse quis neget? quandoquidem verus Princeps merito dicitur quisquis non imperium modo tenet, sed & qui eo recte, sapienterque uti noverit. Quae sane Principis laudes cum Pontificiis, quibus enituit, conferri nullo modo possunt; quarum Dignitati mores, non Dignitas moribus fidem adstruit, reverentiamque conciliat. Et quidem quantus est, Deus bone, Maximi Pontificatus apex, quam ineffabilis! Hic nationes omnes in sui admirationem rapit, huic quidquid est Fidelium,

ubi-

ubique submittitur, per hunc Unitas Ecclesiae retinetur, ad hunc utriusque Orbis vota concurrunt, ab ejus responsis & oraculis omnes Catholici, Episcopi, Reges, & Imperatores pendent, ab eo consilia in judiciis, in ambiguis solatia petunt universi. Hunc *Cacumen & Verticem humani Generis* Petrus Damiani, *Fasligium Dignitatis, & Honoris Celsitudinem* Bernardus, *Religionis nostrae fontem* Studita, *Maximum Fidei Propugnaculum* Damascenus, *Portum tutissimum Catholicae Communionis* Hieronymus appellavit. De Pontifice vero quid ipse dicam? an cum Arnobio *Episcopum Episcoporum* appellem? an cum Cyrillo *Caeli Clavigerum*? an cum Fulgentio *Curatorem Vicarium Omnium Christi*? an Constantini demum, & Hieronymi verbis utar, qui *Summum Sacerdotem, & Hierarcham* nominarunt? paucis expediam; ejus Ecclesiae Pontifex hic est, quae Mater, & Caput est omnium Ecclesiarum, quae inter Antistites suae Sedis triginta Fidei Athletas ostentat, qui ob Christiani nominis confessionem Pontificatum suum glorioso Martyrio decorarunt; & duo supra septuaginta, qui insigni sanctimonia, & caelestibus miraculis Christianam Religionem illustrarunt; quin etiam, quod miremini, Universalis Ecclesiae Moderator hic est, ejus inquam Ecclesiae, quam Prophetae, quam Apostoli honorificis adeo titulis exornarunt, eam ubique appellantes, *Civitatem Sanctam, Fructiferam Vineam, Montem Excelsum, Directam Viam, Columbam Unicam, Sponsam, & Corpus Christi*. Haec igitur Dignitas maxima in terris est, in altissimo, ornatissimoque gradu locata, sed maxima item sunt ejus munera,

plu-

plures curae, sollicitudines multae. Et sane CLEMENTEM ab initio Ecclesiae commodum spectasse exitus declaravit, ubi caetera omnia parum curans, regendi potius, quam fruendi Pontificatus studio exardescere visus est. Nam nemo, opinor, erit, PONTIFEX OPTIME, qui non cum caetera, tum vel summis laudibus efferat facilitatem illam tuam in audiendis, admittendisque omnibus, quorum interest tecum colloqui aut officii, aut negotii causa: Praesto namque es non perdius modo, sed antelucanus etiam & pernox; nec minutissimae etiam plebis quisquiliis aspernatus adcurrentium desideria, aut libellos continenter excipere non dedignaris: Hinc tot clamores, tot praeconia, quibus etiam abjectissimi quique tibi plaudunt: Quandoquidem, Auditores, Pontificia ejus Caritas, cujus in omnes uberrimi fructus fuerunt, maxime eluxit erga Religiosos, Pauperes, Viduas, Orphanos, & literatos Viros, quibus saepe coactam a se pecuniam erogabat, cujus etiam jussu plus semel, ut Egenis opitularetur, plura aureorum millia in singulas Paroecias distributa sunt. Eamobrem sunt qui aegrotant, affliguntur, in calamitate versantur, omnes ad eum accedant, si quid velint, ipse omnes complectitur, qui nullis non diebus adiri potest, neminem, cujus aequa sit, & honesta postulatio, quique obvolutus genibus ad ejus se pedes proripit, a se vacuum, tristemque dimittit; plebejos sibi multo gratiores advenire testatus, quam si magni fuissent Principes. Illud vero liberalissimum fuit, quod suprema etiam voluntate jusserit, ut quae pecunia, se e vivis erepto, superesset, e-

clan-

clanculum pio illustrique operi impenderetur ; quod , continuo curatum est ; rem certe tanto Pontifice dignissimam ! Jamvero quale in eo consilium fuerit , & quantam inde tulerit laudem videamus . Tabulam , quae expressam ejus imaginem refert , inspicite , & ex oris majestate coniicietis vimentis , atque Consilii ; scilicet erecti vividique ingenii dotes in eo vitalis ingenitique caloris defectu non restinguuntur : Ipse enim veteri communique adagio fidem detrahit , quo monemur , *senectam baud pulcram esse* ; cani namque in eo non modo venustatem non minuunt , sed cumulate potius augment , atque confirmant . Arduis gerendis negotiis par & idoneus , in omnibus qua industria , qua dexteritate se gessit ? CLEMENTIS enim Sapiencia non semel quae Magnos inter Principes insperata dudum , implexaque videbantur , repente raro felicitatis exemplo composita adeo sunt , nihil ut adversum timere , nihil contra voluntatem , omnia secunda ex animi sententia sperare liceat ; quibus finitima sunt , quae gessit erga SERENISSIMUM REGEM nostrum CAROLUM , quo quum nemo fuerit in Matrem suam Sanctam Romanam Ecclesiam aut praestantioris animi , aut majoris erga Pontificem reverentiae , eamobrem , favente Numine , in cujus manu sunt omnia , CLEMENS MAXIMUS pro paterno ; quo numquam non flagravît erga tantum PRINCIPEM studio , Neapolitanorum Imperium , Dignitatemque Regii Honoris agnovit , atque Apostolica Auctoritate firmavit . O felicem adeo , fortunatamque nostram Urbem , quod iterum a CAROLO I. Andegavensium Du-

ce ,

ce, aliquot post seculis CAROLUS noster Francorum Regum Germen hic florescat, MAGNI PRO-AVI praeclara soboles, Heroum Genus, Regum Ornamentum, naturaeque Miraculum. Illud vero in maxima felicitatis parte putem, quod optatissimus ille dies advenierit, quo nuper MARIA AMALIA SERENISSIMA REGINA nostra, GENERO-SISSIMO gravata PIGNORE incredibili nos laetitia cumulavit; de quo plane augurari libet, dignissimum illud fore faustissimo hoc Connubio, cujus omnino Deus Opt. Max. auctor fuit, ut absolutam PRINCIPUM ideam nobis ostenderet, quos morum, & virtutum similitudo conjugavit. Neque vero CLEMENS minor Religionis, quam sapientiae laude fuit. Quanta in eo sinceritas animi, quanta innocentia, quae quidem in Pontifice candore vestis optime demonstratur; quemadmodum eo etiam colore, uti notavit Gregorius Nazianzenus, *Angelorum, qui humana forma depinguntur, naturalis puritas designatur*. Ille siquidem Pontifex vere Maximus, cujus majestatem, non tam Vestes, & Tiaræ, quam mores, virtutesque nobilitant. At CLEMENTI caeterae Pontificiae dotes non defuerunt, ut iis supra veri fidem munitus, atque instructus, nullo non praeconio major videretur. Optimos quosque Decessores ipse spectavit, haec proposita ipsi semper exempla fuerunt. Profecto tantarum rerum commemoratione cor exsilit, liquescit animus. Summum in eo erga Templorum nitorem, Sanctorumque cultum studium, quod quum ubique, Romae praesertim plurima, tum illud declarat maxime, Sacellum nempe ab eo eleganter-

gantissimo opere, nec sine magno impendio S. AN-
DREAE CORSINO, Gentili suo augustissime ere-
ctum in Laterana Basilica, quem ut pie semper
coluerat, sic ad eum pie colendum exemplo suo
omnes magis magisque confirmavit: Decoram-
namque & eximiam ejus Sacelli constructionem,
marmorum delectum, vivas tabulas, spirantia
simulacra, auri, argentique copiam quae aetas
non mirabitur? quae quidem semper nomini ejus
erunt ornamento, ipsique immortalis gloriae ce-
dent, ejus semper & pietatis, & memoriae testes
futuri. Quid porro jam dicturi estis, Auditores,
si cogitetis plura nummum millia, quos excitan-
dae suffecit Bibliothecae Fratrum Minorum Arae
Caeli? magnam pecuniarum vim collatam edendis
ingentibus, & celebratis operibus *Origenis*, *Hiero-
nymi*, *Ephrem Syri*, Annalium denique Seraphici
Ordinis *P. VVaddingi*? quae talia certe sunt, ut
pene adjungi iis fides nulla videatur: nimirum
quantum temporis, quantum laboris, quantum
impensae opus fuerunt tantis operibus? adderem
hic praeterea hujusmodi non pauca, nisi me bre-
vitatibus studium moneret. Vigilantia vero eum,
& sollicitudo omnium Ecclesiarum adeo exercuit,
ut pluris ab eo una Legum Canonumque Majestas,
quam quorumcumque aucta nominibus Dignitas,
atque Claritas fieret. Apostolica semper libertate,
& constantia usus in iis, quae Ecclesiae curam
respiciunt: Nam quid modo recenscam instauran-
dae Disciplinae laborem? quid emendandorum
morum pervigilem curam? quid propagandae Re-
ligionis studium? Eo Regnante, ut Bernardi ad Eu-

genium verbis utar, *Plebes Clericis, Clerici Sacerdotibus, Sacerdotes Deo subjecti sunt, supra prava opera, & dogmata censura Ecclesiastica viget*: Adhaec apud Brutios Collegium ab eo etiam Italo-graecum, dato Antistite, constituitur, ut probe ejus gentis mores informarentur, neque rituum varietate schismata gliscerent: Denique Sanctis honos, cultusque decernitur, *Vincentio a Paulo, Francisco de Regis, Julianae Falconeriae, & Cutharinae Fliscae*. Sed quo te PONTIFEX impulit Religionis ardor? angustum tibi videtur, Fidei incrementa Urbis moeniis, aut Italiae finibus includere; Praeclara enim te semper opera molitum noverunt Hispani, conficii fuerunt Galli, intellexerunt Germani, non denique te latet Orbem Terrarum universum. Nam non Abissini modo, Syri, Armeni, Copti, Thibetani, Melchitae, sed A catholici etiam, Mahummedani, Seres, & dissitae Idololatrae Nationes, quorum feris moribus, immanique natura & commovemur, & perhorrescimus, abs te missis Sanctissimis Viris, qui *veritati testimonium perhiberent*, Sacros Ecclesiae ritus, aut Christiana dogmata induerunt. O fervorem Pontificii animi maxime praedicandum! Atqui pene me fugerat, quod priore fortasse loco dicendum erat: Scilicet quanti CLEMENS Urbem quoque nostram fecerit, testes nobis ipsi sumus: Neminem namque latet, inter tot tantaque benefacta, quibus optime, si quis umquam, de Urbe nostra meritus est, praecipuum illud, quod illustri erga nos beneficentia EMIN. JOSEPHUM CARD. SPINELLUM, jamtum apud omnes non minus vitae innocentia, quam doctrinae

nae laude, & Generis Amplitudine Clarissimum in sublimi nostrae Matricis Ecclesiae Throno collocavit; nec quemquam moderandae praestantissimae huic Metropoli fortiolem, aut magis idoneum iudicavit: Quod beneficium tanti omnes facimus, ut nemini plus quam CLEMENTI in omni vita simus debitori. Jamvero ne illud excidat, cujus exemplum nullum exstat, aut rarissimum, quis Vestrum magnopere non mirabitur, Nobilissimae Virgines, quod CHRISTI in Terris Vicarius, Catholicaeque Ecclesiae Caput non alienum maiestate sua duxerit, ut quod antea Purpuratus ipse susceperat, patrociniū Collegii vestri, totiusque adeo Seraphici Ordinis retineret; nescio maiore ne animi moderatione, an amoris aestu, miranda certe utriusque significatione, qua CLEMENS dum vixit, semper sibi placuit; quin eo nomine de se magnifice sentiens testatum omnibus esse voluit, cor suum a Vobis nulla fortuna, fastigio nullo avelli posse, suumque erga Vos amorem tantum fuisse, quantus potuit esse maximus; quandoquidem quis enumeret munera; beneficia, immunitates, privilegia, quibus CLEMENS Seraphicum Ordinem universum, cum primis vero Asceterium hoc vestrum peramanter honestavit? usque adeo, ut Pontificio etiam Diplomate, quod profecto fidem omnem superat, quam demississime sit factus, se aut nulli, aut Vobis Unis, vestrisque precibus acceptas referre pristinas vires, senectam firmam, vitam satis diuturnam, Supremi demum Pontificatus Amplitudinem: Quo vero promerita isthaec perennarent, comitem sibi ascivit Romanae Purpurae

splendorem TROJANUM CARDIN. AQUAVIVA, ut is extincti sui locum occuparet; cujus omnino tanta est animi celsitudo, atque praestantia, ut nihil sit, quominus studium in eo Dignitatis vestrae, vel tuendae, vel etiam augendae summum non esse intelligatis. Quae quum ita sint, Auditores ornatissimi, ecquid amplius postulatis? Agnoscite jam in CLEMENTE praeclarum quoddam Pontificiarum Virtutum exemplar, quae certe meo, vestroque silentio potius, quam praeconio ullo exornari possunt: Interea dandum quidem fuit tanto HEROI omnium nostrum desiderium, honor, & memoria, sed moeror ablegandus, qui sane nos minime decet: Scilicet quaecumque oriuntur, occasum minantur, & Viro Principi cum plebejo, senectuti cum adolescentia communis est mors, & impendens: Deinde quum CLEMENS eo devenit, ubi nullus est dolori locus, nihil nostro dolore indiget, nec nobis quidquam moestitiae accidere ex eo debet, qui omni moerore, luctuque solutus est; cujus Verendum Caput jamnunc radiant stellarum luce redimitur, cuique certum jam esse in caelesti Aula, & definitum locum pietas suadet. Eamobrem agite dum, quotquot atrum funus instaurandum curastis, procul faces abigite, planctus, gemitus amandentur; quin potius date rosas, lilia spargite, demum feralis haec pompa in festivam, laetamque vertatur. Quod si praeterea res Ecclesiae Gubernatore jam carent, satisque intelligimus, quo statu sint, nimirum acerbissimo, aspice quaeso nos, CLEMENS MAXIME, aspice ROMAM, ECCLESIAM aspice; Te Duce, Te
 Vin-

Vindice, opem a Deo bonorum omnium largitore imploramus, ut obscura nocte hac, qua eclipsim. passi sumus, optatum jubar resplendeat. Vos iccirco demum alloquor, Vos etiam una mecum quam demisse compellat Illustris haec Sapientum hominum corona, EMINENTISSIMI PATRES, qui divino afflati Numine confestim in Conclave vos intulistis; Solertissimos, uti estis, in momentosa adeo re vos ostendite, illud modo nobis, atque adeo cupētis, qui Christiano nomine censentur concedite, deligite *Syncerum Ministrum, Fidelem Dispensatorem*, viduatae Ecclesiae Pastorem, CHRISTOQUE Primo, & Optimo Pontifice dignissimum deligite. Reliquum est, Auditores, ut quum omnia HEROS noster Hominis, Principis, Pontificis officia praestiterit, nemo sit vestrum inter haec adeo mira tam hebes, tam vecors, qui non ad honestatem incendatur, quem non rapiant tot exempla virtutum. Caeterum, quoad vixerimus, Deo Sacris Virginibus Amplissimi hujus Templi, vereque Regalis Asceterii quamquam referre ipsi pares gratias non possumus, habendae tamen semper erunt maximae. Quam enim debitam officiorum memoriam non quacisset fortasse CLEMENS, hanc ipsae praestiterunt, & quo numquam non caeteris palmam praeripuisse videantur, hoc modo splendidissimo apparatu, funebrique laudatione CLEMENTI Tutelari suo, Parentique Optimo monumentum aere perennius excitarunt: Rem certe omnium admiratione dignissimam! etsi nec aliter fieri par erat ab iis, quas torius Urbis Avitae, Amplissimaeque Cognationes nobilitant, quarum

potissima semper cura fuit , excelsissimus animus ,
 invictaque remunerandi voluntas ; quaeque Nat-
 alium veteri dignitate , fortunaque abjecta , ubi Se-
 raphicae Familiae nomen professae , sacris hisce
 septis se abdiderunt , novam subinde , veramque
 nominis claritatem adeptae adeo sunt , ut in eas ab
 Inclyto praesertim tot Coenobitarum Patriarcha
 FRANCISCO omnis omnium virtutum , veraeque
 pietatis decor emanarit . Finem igitur faciam ,
 & Coronidis loco mutuabor hic dumtaxat Curatissi-
 mi TACITI colores , ejusque penicillo utar , quo So-
 cerum suum Julium Agricola nitidissime depinxit ;
 mihi que potiori jure usurpare , mutato nomine ,
 illius verba liceat . *QUIDQUID EX CLEMEN-*
TE AMAVIMUS , QUIDQUID MIRATI SUMUS ,
MANET , MANSURUMQUE EST IN ANIMIS
HOMINUM , IN AETERNITATE TEMPORUM ,
IN FAMA RERUM : NAM MULTOS VETE-
RUM VELUTI INGLORIOS , ET IGNOBILES
OBLIVIO OBRUET , CLEMENS POSTERITA-
TI NARRATUS , ET TRADITUS SUPERSTES
ERIT .

MAG 2035323